

STATUT (N A C R T)

ISLAMSKJE ZAJEDNICE I KULTURNOG CENTRA PLAV-GUSINJE U NEW YORKU

Hvala uzvišenom Allahu, stvoritelju svih svjetova, neka je mir i spas na Njegova Poslanika i na one koji ga slijede do Sudnjega dana!

I-OPŠTE ODREDBE

I-1. NAZIV

ČLAN 1.

Vlastitim sredstvima, muslimani Plava i Gusinja i ostali muslimani koji žive u New Yorku, i drugim mjestima širom Amerike, su kupili i izgradili objekat u Astoriji, na adresi 31-33 12th street, LIC, N.Y.11106.

ISLAMSKA ZAJEDNICA I KULTURNI CENTAR PLAV-GUSINJE U NEW YORKU (u daljem tekstu: Islamska zajednica) je zajednica Bošnjaka, Albanaca i ostalih pripadnika islamske vjere, sa područja države New York i okolnih država, koji je prihvataju kao svoju, shodno odredbama ovog Statuta.

Na prijedlog Inicijativnog odbora, kasnije Osnivačke Skupštine, usvojena je odluka, da se vakuf oslovljava u punom nazivu: "ISLAMSKA ZAJEDNICA I KULTURNI CENTAR PLAV-GUSINJE U NEW YORKU", takodje prevedeno na engleski jezik: "ISLAMIC UNITY & CULTURAL CENTER PLAV-GUSINJE OF NEW YORK".

I-2. SJEDIŠTE, OZNAKA, BAJRAK I ŽIG

ČLAN 2.

Sjedište Islamske zajednice je u Astoriji, na adresi: 31-33 12th street, LIC, N.Y. 11106.

Registrovana je kod ovlaštenih državnih organa New Yorka kao NE-PROFITNA VJERSKA ORGANIZACIJA, pod reg.brojem: 910319000177., 03.19.1991.god.

Oznaka Islamske zajednice je polumjesec bijele boje, otvoren na desnoj strani sa zvijezdom sa pet kraka, bijele boje, u sredini polumjeseca, i koristi se u službenoj korespondenciji.

Bajrak (zastava) Islamske zajednice je zelene boje sa polumjesecom bijele boje, otvoren na desnoj strani i zvijezdom sa pet kraka, bijele boje, u sredini polumjeseca, smješteni na sredini zastave. Dužina bajraka je dva puta veća od širine.

Islamska zajednica posjeduje okrugli suhi žig sa oznakom: ISLAMIC UNITY & CULTURAL CENTER PLAV-GUSINJE OF NEW YORK.

I-3. MEZHEB, JEZICI I KALENDARI

ČLAN 3.

Islamska zajednica u svom vjerskom dijelu rada slijedi i praktikuje hanefijski mezheb.

Službeni jezici su Bosanski, Engleski i Arapski.

Službeni kalendari su hidžretski i gregorijanski.

Islamska zajednica ima svojstvo pravnog lica.

I-4. RAD I DJELOVANJE

ČLAN 4.

Islamska zajednica je autonomna u svom radu i samostalno upravlja i uređuje svoje poslove u skladu sa interesima Islama i načelima Uzvišenog Kur'ana i Suneta Allahova Poslanika Muhammeda a.s., kao i tradicijom, kulturom i običajima, saradjujući na ravnopravnoj osnovi sa vjerskim, vjersko-prosvetnim i drugim institucijama od interesa za Islamsku zajednicu.

Odluku o saradnji i načinu saradnje donosi Skupština Islamske zajednice.

Djelatnosti u Islamskoj zajednici podliježu načelima: zakonitosti, javnosti, odgovornosti, smenjivosti, ravnopravne zastupljenosti u svim segmentima, nespojivosti upravne i rukovodeće funkcije i drugim pravednim principima.

Rukovodne dužnosti podliježu i načelima izbornosti i ograničenog trajanja.

I-5. PRAVA I OBAVEZE ČLANOVA

ČLAN 5.

Prava i obaveze, članovi Islamske zajednice ostvaruju putem organa Islamske zajednice.

Prava članova Islamske zajednice su: da bira i da bude biran u organe; da učestvuje u zajedničkim aktivnostima; da bude obaviješten o radu organa i ustanova; da se islamski odgaja, obrazuje i kulturno uzdiže; da koristi prostorije Islamske zajednice; da učestvuje na tribinama, seminarima, predavanjima vjerskog karaktera, kulturnim, sportskim i drugim manifestacijama i da uživa ostala prava koja mu pripadaju po Kuranu, Sunetu i ovom Statutu.

Obaveze članova Islamske zajednice su: da se pridržava islamskih normi, štiti islamske i kulturne vrijednosti i čuva islamske običaje i tradiciju; da redovno plaća određenu članarinu i druge obaveze; da poštuje i u djelo sprovodi odredbe ovog Statuta; da učestvuje u radu i rješavanju problema Islamske zajednice; da savjesno koristi imovinu Islamske zajednice; da strogo čuvaju tajne Islamske zajednice i da sprovodi ostale obaveze koje proizilaze iz Kurana, Suneta i odredbi ovog Statuta.

Članovi Islamske zajednice su, upisom u registar, dužni dati o sebi osnovne podatke, koji se koriste za potrebe Islamske zajednice i obavezni su saopštiti eventualne promjene osnovnih podataka-(adresa, broj telefona i dr.).

Članstvo u Islamskoj zajednici prestaje:

- smrću,
- dobrovoljnim istupanjem, u pismenoj formi,
- neplaćanjem članarine za prethodne četiri godine,
- iseljenjem i
- isključenjem.

Svaki član ima pravo žalbe protiv odluke organa Islamske zajednice.

Žalba se podnosi Nadzornom odboru, u roku od 14. dana od dana prijema.

Odluka Nadzornog odbora je konačna.

I-6. CILJ

ČLAN 6.

Cilj Islamske zajednice je da svi njeni pripadnici žive u skladu sa islamskim propisima.

Ovaj cilj se ostvaruje: promicanjem dobra i odvracanjem od zla; izučavanjem islama, islamske kulture i tradicije; podučavanjem vjerskog, obrazovnog i kulturnog života članova; radom vjerske škole, biblioteke, omladinske organizacije, humanitarnog društva, sportskih i drugih sekcija, mirovnog vijeća, radnih grupa, informativne i radio-difuzne djelatnosti; sprečavanjem i suzbijanjem društvenih zala (upotreba droge, alkohola isl.), uz saradnju sa odgovarajućim institucijama grada New Yorka; zalaganjem za očuvanje braka i porodičnog života članova; učenja akika novorodjenčadima; pokopavanjem umrlih muslimana i muslimanki po šerijatskim propisima; vjenčanjem članova putem ove Islamske zajednice i svakom drugom djelatnošću usmjerenom na vjersko-kulturnom uzdizanju.

II-POSEBNE ODREDBE

II-1. ORGANIZACIONA STRUKTURA ISLAMSKJE ZAJEDNICE

ČLAN 7.

Islamska zajednica se sastoji iz vjerskog i kulturnog dijela:

Vjerska pitanja se rješavaju putem ustanove Dzemata, koji je osnovna organizaciona jedinica, vjerskog dijela Islamske zajednice.

Imam organizuje vjerski život u džamiji.

U okviru vjerskog dijela Islamske zajednice se mogu organizovati: društva humanitarnog karaktera; radne grupe za ispomoć imamu; mektebi; vjerske pouke; odbori za organizaciju donatorskih večeri, proslavu islamskih praznika, obilježavanje mubarek dana; i drugih srodnih vidova organizovanja.

Pitanja vjerskog dijela Islamske zajednice se bliže regulišu Pravilnikom o vjerskim pitanjima.

ČLAN 8.

Kulturna i tradicionalna pitanja se rješavaju putem organizacionih jedinica Izvršnog odbora.

Organizacione jedinice Izvršnog odbora su: obrazovne institucije, sekcije, komisije, savjeti, vijeća, društva, radne grupe, odbori, prodajno-uslužne jedinice i drugi vidovi organizovanja.

Kulturna i tradicionalna pitanja se bliže regulišu Pravilnikom o organizaciji i radu organizacionih jedinica Izvršnog odbora-(ponaosob).

II-2. UPRAVNA STRUKTURA-ORGANI IZ

ČLAN 9.

Najviši zakonodavni i upravni organ Islamske zajednice je Skupština.

II-2-1. SKUPŠTINA

SASTAV, NADLEŽNOSTI I NAČIN RADA

ČLAN 10.

Skupštinu čine svi punoljetni članovi Islamske zajednice, koji su izmirivali obavezu plaćanja članarine uzastopno za zadnje četiri godine u predviđenim rokovima, posebno za svaku godinu.

Retroaktivno plaćene članarine, se ne priznaju za prvo glasanje koje slijedi.

ČLAN 11.

Nadležnosti Skupštine su sledeće:

- kupo-prodaja imovine Islamske zajednice,
- odlučuje o statusnim promjenama Islamske zajednice,
- donosi novi Statut ili vrši izmjene i dopune postojećeg Statuta,
- odlučuje o prestanku svog rada,
- vrši izbor članova Nadzornog odbora,
- vrši izbor delegata za Upravni odbor,
- vrši opoziv organa, u slučajevima da organ ne izvršava obaveze koje proističu iz ovog Statuta,
- odlučuje o ostalim poslovima od izuzetnog značaja za Islamsku zajednicu.

ČLAN 12.

Sjednice Skupštine Islamske zajednice su redovne i vanredne.

Redovna zasijedanja su jednom u četiri godine. Zakazuje ih:

-predsjednik ili u njegovom odsustvu podpredsjednik Upravnog odbora, koji su i predsjednik/podpredsjednik Skupštine i Izvršnog odbora (u daljem tekstu predsjednik/podpredsjednik).
Vanredna zasjedanja se zakazuju po potrebi. Zakazuje ih predsjednik ili u njegovom odsustvu podpredsjednik, samoinicijativno ili na inicijativu najmanje:
-1/3 članova Skupštine, u pismenoj formi, sa potpisima, ili
-većinskom odlukom Upravnog odbora.
Ukoliko predsjednik/podpredsjednik to ne želi uraditi, sjednicu će zakazati član kojeg inicijatori izaberu.
Sazivač, bilo redovne bilo vanredne sjednice, je dužan pozvati sve članove Skupštine, sa preciziranjem mjesta, časa i datuma održavanja, dnevnog reda i naziva sazivaoca.
Na sjednicama je obavezno vodjenje zapisnika, kojeg potpisuju zapisničar i predsjednik Radnog predsjedništva, nakon završetka sjednice.

ČLAN 13.

Sjednice Skupštine otvara predsjednik/podpredsjednik a istom rukovodi Radno predsjedništvo od tri člana, koje članovi Skupštine izaberu, a koje bira svog predsjednika koji rukovodi radom Skupštine, na osnovu Poslovnika o radu Skupštine, koji se usvaja na sjednici Skupštine.

Radno predsjedništvo je odgovorno za:

- sprovođenje reda na sjednici,
- ustanovljenje kvoruma,
- davanje i oduzimanje glasa, i
- ostalo.

Ova pitanja će se bliže regulisati Poslovníkom o radu Skupštine, koji priprema Izvršni odbor.

ČLAN 14.

Kvorum Skupštine je 1/2+1 član, ako se na sjednici rešavaju pitanja od izuzetne važnosti za Islamsku zajednicu.

Ukoliko se ne može, zbog objektivnih razloga, obezbijediti kvorum, može se pristupiti radu i sa prisutnim članovima, čiji broj ne može biti manji od 25%. članstva Islamske zajednice sa pravom glasa, a uz saglasnost Nadzornog odbora.

Ukoliko se na sjednici rešavaju pitanja od manjeg značaja, Skupština može raditi i bez saglasnosti Nadzornog odbora, sa brojem članova manjim od 1/2+ 1, ali ne manjim od 25% članstva sa pravom glasa.

Izuzetno važnim pitanjima se smatraju sledeća: kupo-prodaja imovine, odlučivanje o statusnim promjenama, donošenje novog i izmjene i dopune postojećeg Statuta.

Ukoliko ne postoji kvorum, sjednica se odlaže.

Odluke su punovažne ako za njih glasa najmanje 1/2+1. od prisutnih članova, nakon ustanovljenja kvoruma-(natpolovična većina).

Ukoliko se desi da je glasanje izjednačeno, glas predsjedavajućeg će odlučiti-(casting vote).

ČLAN 15.

Skupštini obavezno prisustvuju: sekretar, finansijski rukovodilac i glavni imam.

Isti imaju pravo glasa, a glavni imam ima i pravo VETA na odluke vjerskog karaktera, ako se ista kosi sa principima Islama. Tu odluku je dužan obrazložiti usmeno a po potrebi i pismeno.

Šta se smatra odlukom vjerskog karaktera, bliže će se odrediti Pravilnikom o vjerskim pitanjima.

Sekretar i finansijski rukovodilac mogu izraziti neslaganje sa odlukama Skupštine za koje smatraju da nijesu u skladu sa važećim principima, ovim Statutom i drugim normativnim aktima.

Neslaganje se može izraziti verbalnim putem uz konstataciju zapisničara ili pismenim putem.

U slučaju spora, nadležan je Nadzorni odbor.

ČLAN 16.

Sjednice Skupštine, redovne ili vanredne, se sazivaju najmanje 30. dana prije dana održavanja.

Izborna sjednica Skupštine se saziva najmanje 30. dana prije isteka mandata članova Upravnog odbora.

Odluke Skupštine su izvršne za sve organe, organizacione jedinice i sve članove Islamske zajednice.

Na sjednicama je obavezno vodjenje zapisnika, kojeg potpisuju zapisničar i predsjednik Radnog predsjedništva, nakon završetka sjednice.

ČLAN 17.

Predsjednik Radnog predsjedništva može odložiti ili prekinuti sjednicu Skupštine. U oba slučaja, predsjednik Radnog predsjedništva je dužan organizovati novu ili nastavak prekinute sjednice Skupštine. Sve odluke usvojene na Skupštini, do momenta prekida, su punovažne.

Nova ili nastavak prekinute sjednice Skupštine se ima zakazati u roku ne dužem od jednog mjeseca, a ima se održati u roku ne dužem od tri mjeseca.

Ako se prekine izvještajna sjednica Skupštine, u periodu od dana prekidanja sjednice do zakazivanja nove, Islamskom zajednicom nastavlja da upravlja Upravni odbor, na čelu sa predsjednikom.

Ako se prekine izborna sjednica Skupštine, u periodu od dana prekidanja sjednice do izbora novog Upravnog odbora, Islamskom zajednicom upravlja novoizabrani Nadzorni odbor, ili, ako taj izbor nije izvršen, stari saziv Nadzornog odbora.

ČLAN 18.

Sjednice Skupštine su javne. Kada interesi zahtijevaju, sjednica ili dio sjednice, se može održati uz isključenje javnosti. Odluku o tome donosi Skupština.

Sva službena akta koja donosi Skupština, potpisuje predsjednik/podpredsjednik.

Sva pitanja organizacije i rada Skupštine se regulišu Poslovníkom o radu Skupštine.

ORGANI SKUPŠTINE

ČLAN 19.

1. Organi Skupštine su:

- A) Nadzorni odbor i
- B) Upravni odbor.

II-2-1-A. NADZORNI ODBOR

ČLAN 20.

Nadzorni odbor je najviši organ Skupštine Islamske zajednice za kontrolu zakonitosti u radu organa Islamske zajednice i organizacionih jedinica Izvršnog odbora Islamske zajednice, zapošljenih u Islamskoj zajednici i članova Islamske zajednice. Nadzorni odbor bira Skupština Islamske zajednice, tajnim glasanjem.

Nadzorni odbor čine pet veoma časnih ljudi, umnih, moralno čistih, sa istaknutim poznavanjem vjerskih i društveno-pravnih nauka, po mogućnosti sa visoko-školskom naobrazbom, koji se biraju u jednakom broju po izbornim okruzima Plava i Gusinja i jedan iz izbornog okruga ostalih mjesta, ukoliko to dozvoljava procentualno učešće.

Ako ovaj uslov nije ispunjen, izborni okrug iz kojeg je izabran predsjednik će imati dva člana a drugi mandat taj broj će imati drugi okrug.

Svaki član Nadzornog odbora ima svog zamjenika, koji ga mijenja u njegovom odsustvu.

ČLAN 21.

Nadležnosti Nadzornog odbora su:

- ocjenjuje statutarnost normativnih akata i djelatnosti organa Islamske zajednice i organizacionih jedinica Izvršnog odbora,
- donosi odluke kojima utvrđuje povrede statutarnosti i nalaže njihovo otklanjanje,
- rješava sukobe nadležnosti u radu organa i organizacionih jedinica,
- vrši nadzor i rješava izborne sporove u Islamskoj zajednici,
- odlučuje o žalbama članova i donosi odluke po tim žalbama,
- rješava i druge vrste sporova.

ČLAN 22.

Nadzorni odbor može, u izuzetnim slučajevima, ako ocijeni to kao pozitivno, staviti odluke Upravnog i Izvršnog odbora van snage ili iste zaustaviti za određeno vrijeme, vodeći najprije računa o interesima Islamske zajednice.

Nadzorni odbor može osporiti učešće u organe i nekom od članova Islamske zajednice, ako ocijeni da je to u interesu Islamske zajednice.

ČLAN 23.

Nadzorni odbor, u vanrednim situacijama, kada je narušen javni red i mir i kad je opstanak Islamske zajednice doveden u pitanje, može preuzeti funkcije Skupštine, Upravnog i Izvršnog odbora.

U tom slučaju se zavodi vanredno stanje u Islamskoj zajednici, pri čemu se suspenduju sva normativna akta Islamske zajednice. Sve odluke Nadzornog odbora, u ovom slučaju su obavezujuće za sve članove Islamske zajednice.

ČLAN 24.

Nadzorni odbor učestvuje u radu Skupštine i Upravnog odbora i može dati savjet ili upozorenje za odluku koja nije u skladu sa Statutom ili pozitivnim zakonskim propisima.

Način rada Nadzornog odbora je operativne prirode.

Članovi Nadzornog odbora ne mogu biti članovi drugih organa ove Islamske zajednice.

Članovi Nadzornog odbora ne učestvuju u glasanju na sjednicama Upravnog odbora.

Izbor članova Nadzornog odbora vrši se tajnim glasanjem. Izборе sprovodi Izborna komisija koju formira Skupština.